

**SAO A PAGPANPANUNOTAN:**

*“Ti sulisog kankanayon nga adda ti sibaytayo. Sulisog a mangkulla-ap ti pannakabigbigtayo ti Dios ket agbiagtayo nga ti ipagaruptayo ket ti lubong ti pagpatinggaan ti amin. Ti bileg ni Jesu Kristo ket nabalinanna a pinarmek ni sulisog. Ni Jesus nagtalinaed ti denna ti Dios – ti panagserbina, ti panagdayawna ken uray pay ti ipapatayna.”*

**PRELUDIO KEN PROSESIONAL: (Agpasango dagiti agakem ken masindian dagiti candela ti altar)**

**KABLAAW KEN DAMDAMAG DAKASEKNAN TI IGLESIA:**

**INTROIT: “Celebrate, Jesus Celebrate”**

Chorus: Celebrate, Jesus celebrate (4x)  
 He is risen...(2x), and He lives forevermore  
 He is risen...(2x), come on and celebrate  
 The resurrection of our Lord  
 (repeat chorus)  
 ...Come on and celebrate (3x),  
 the resurrection of the Lord

**\*\*AYAB TI PANAGDAYAW:**

**Pangulo:** Umaytayo agadyaw saan a gaputa pagebbengantayo.

**Gimong:** No di ket gaputa isu ti ragsaktayo!

**Pangulo:** Saan a gaputa intay iparangarang ti kinalintegtayo iti lubong.

**Gimong:** Ngem gaputa naawagantayo a kas saksi ti Apo iti lubong.

**Pangulo:** Saan nga umay dumngeg kadagiti sasao a mangako kadagiti dadduma.

**Gimong:** No di ket tapno imatangantayo no kasano ti kadakkel ti basoltayo iti Apo.

**Pangulo:** Saan a mangbukod iti ragsak ti pannakaisalakan.

**Gimong:** No di ket tapno ipaaytayo ti biagtayo a naisalakan para iti panagserbi tapno iti lubong mapadasanna met ti ragsak ti pannakaisalakan.

**Amin:** Babaen kadagitoy napakumbaba nga ar-aramid ken panagtulnog iti Apo, intay mapadasan ti presensiana babaen iti Espiritu Santo.

**\*\*INBOKASYON:**

**\*\*HIMNO TI PANAGDAYAW: “Ala, Dayawem Kararwak”**

*Ala dayawem, kararwak, ti Kenka mamagbalikas;  
 Dayawem a di agresat ti gapuan sirib ken ayat.*

*Amanganen ti siribna! Isiptayo addaganna;  
 Ti bitbituen bilangenna, ikkanna ida’t naganda.*

*Amin nga agraniag diay nagto, makapasdaaw ti puso;  
 Yesngaw ti sangalubongan ti siribna a madosan.*

*Anian nga asi ti subbot! Datdatlag a di matukod;  
 Sirib ti Dios nga agraniag, Ala, dayawem, kararwak.*

**AYAB TI PANAGBABAWI:**

**Pangulo:** Ti Proverbio kunana, “Ti kinatangsit ken kinapalanguad isu ti disperas ti pannakatnag” ngem ti Dios dina pagayatan daytoy, dina kayat a matnagtayo. Umasidegtayo a sipapakumbaba ket sapulentayo ti asi ken pammakawan ti Dios babaen ti intay panangipudno kadagiti basoltayo.

**Kanta Ti Panagbabawi: “Aramidennak Kad’ O Apo”**

*Aramidennak kad’ O Apo, kas mayalubog iti nakemmo;  
 Ta sikat’ nangted ityo biagko, Siurayak iti kayatmo.*

*Agraemak iti sangoanam, kasasaadko imatangam;  
 Basbasolko kad ti ugasam, tapno dumaldalus daytoy biag.*

*Siksika la ti umdas, Apo, a mangted natalna a puso;  
 Makaagas ti nasakitko, ken mangpunas ti ladingitko.*

*(kanito a panagulimek)*

**PAMMATALGED TI PAMMAKAWAN TI DIOS:**

**Pastor:** Kas inkari ti naayat ken manangnga-asi a Dios, pakawanenna dagiti amin nga umay Kenkuana iti pammati. Uray ita nga aldaw, pinakawannatayo ken intedna ti waya-waya manipud ti basol tapno maaddaantayo ti baro a biag ken Kristo Jesus.

Ngarud, agragsaktayo ta awan iti makaisina kadatayo manipud ti ayat iti Dios ken Kristo Jesus a manubbot ken salakantayo.

**PANNAKAYALLATIW TI KAPPIA:** *(Iyallatiw tayo ti kappia ken talna babaen iti panangkanta ti O, I Love You...)*

**KARARAG DAGITI TATTAO:**

**Sungbat: (makanta)**

*Denggem O Apo, denggem dawatmi  
 Ipangag mo kadi ar-arawmi. Amen.*

**DAGITI SASAO TI APO:**

**\*\*Manipud iti Nasantuan a Surat**

**Sungbat:** *“Ti sasao a naragsak, Sao a mamabiag” (2x)*

**Babaen iti Mensahe ti Kanta**

**Pannakailawlawag ti Sao**

**PANANGIDATON TI BIAG KEN PAGYAMAN:**

**Pangulo:** **Lukas 6:37-38**  
*(panagited kadagiti pagyaman ken sagsagut)*

**KANTA TI PANANGIDATON: “Amin Jesus Idatonko”**

*Amin Jesus idatonko, pusoc ken daytoy met biag  
 Inaldaw sikat’ surotek, maymaysa a pagtalkak*

**Coro:** *Awatem Jesus, awatem amin  
 Toy biagko innak idaton; wen itdek amin*

*Amin Jesus, idatonko Kenka ket awatennak  
 Espiritum ipariknam ti kaaddana kaniak. (coro)*

**\*\*DOXOLOGIA**

**\*\*KARARAG TI PANANGIDATON:**

**\*\*HIMNO A PANAGSERVI: "Bumilegkay Ken Jesus"**

*Bumilegkay ken Jesus, soldados iti Krus,  
Wagayway ingatoyo dikay ilusulos;  
Manipud ken balligi, ti buyotna magna,  
Ket kabusor mapaksiat, ni Kristo' Apoda.*

*Bumilegkay ken Jesus, umayab trompeta,  
Napigsa ti dangadang, rumuarkayo ita;  
Dakay a tattaona, inkayo sumango,  
Natured ken napigsa makibakalkayo.*

*Bumilegkay ken Jesus sut' pagtalkanyo,  
Agsadagkay Kenkuana, Isu ti pigsayo;  
Evangeliot' bilegyo, inkay agkararag,  
No umay iti peggad dikayto agamak.*

*Bumilegkay ken Jesus, bakal din agbayag,  
Ita ungor ti gubat, balliginton bigat;  
Itinto agballigi, maikkan balangat,  
Agtaengto 'diay langit agnanayon a biag.*

**\*\*KARARAG TI PANAGSERVI KEN PANAGTALEK:**

**PAMENDISION:**

**Sungbat:**

*May the Lord bless and keep you (2x)  
May his countenance shine upon you  
And grant you peace...Amen!*

**POSTLUDIO:**

***"Enter to rejoice, depart to serve"***

## Church Bulletin

**Note:**

Mabalin nga ikabiltayo dagiti padamag, programa ken dadduma pay ditoy a paset ti liturgia. Kasta met nga agbalin laeng a pagtuladan wenno surotentayo daytoy a liturgia tapno mabalintayo a sukatan dagiti kankanta ken nayonan dadduma a pasetna.

UNITED CHURCH OF CHRIST IN THE  
PHILIPPINES  
North Luzon Jurisdiction

July 30, 2017

*8th Sunday after Pentecost*



